


Ein herzliches Dankeschön an die Schule Törbel für die tolle Unterstützung!





Dankesrede Vernissage

Cedric

Wier Chind vam Chindergartu und der Primarschüel und ischi Lehrpersone Heidi und Karin si stolz, hitu der Stiftig Sonne für behinderte Kinder an Check därfu z übergä.

Mischa

Ischi Vernissage vam 6. Juni isch an volle Erfolg gsi. Das het isch sehr gfreut, hei wier doch eu an velligi Arbeit ka. Scho im Herbscht hei wier gstartut mit ische Vorbereitige. An fuf Projekt- Halbtäg si wier de in d Wält vane Farbe igiteucht und hei verschiedeneni Arbeite agfangu, wa wer de iner Klasse fertig gmacht hei.

Jenaina

Wier si bi de Vorbereitig und aner Vernissage sälber sehr güet unstitzt cho und wellti isch derfir eu bedanku.

Lionel

Danke der 4.-6. Klass wa ischi Vernissage mit wunderschöne Baschtilarbeite üfgwärtut hent. Värgälts Gott eu der Erna Bregy, wa mit ihne die Arbeite het durchgfiehrt und eu fer z Material isch üfcho.

Céline

Danke der Schüelkommission und de Eltru, wa isch am Donnerstag sind ga hälfu chochu und üfbauwu. Eu denu Eltru as Riesudankeschön, wa Material und Läbunsmittel organisisert und gsponsorut hent.

Mike

Viele Dank eu an die Eltru, wa isch am Fritag so toll sind ga hälfu
üfrümu und ischu miedu Lehrerinne eu nu as Kaffe mitgebrungu
hent.

Mathias

Danke villmal eu ani Gmeind, wa isch der Wii und die Turnhalla zer
Verfieigig hent gstellt.

Samuel

Danke an d Organisatorinne vam Partystadel und irusch grosszügig
Unerstizig jedes Jahr. Mit dem Gäld hei wier chennu d
Materialchoschte vaner Vernissage decku.

Luca

Danke eu and Heidi und die Karin wa ische Betrag hent üfgrundut, so
dass a hibschi Zahl het gigä.

Ylenia

Isch Schüelchind va Terbil geits änz güet und wier chenne zfriedu und
gesund bals ischi Ferie startu. Isch machts änz a Freid, chenne wier as
Stuckji va ischum Glick mit Chind teilu, was weniger güet geit.

Chiara

Üs dem Grund freue wier isch, der Stiftig Sonne für behinderte Kinder
a Check va 2500 Franke derfu z ubergäh.